

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ
ՄԱՍՆԱՃՅՈՒՂԻ ԳԻՏԱԿԱՆ ԽՈՐՀՐԴԻ ՆԻՍՏԻ

31-ը մարտի 2021թ.

Նիստին ներկա էր գիտական խորհրդի 35 անդամներից 27-ը:

Նիստը վարում էր գիտական խորհրդի նախագահ Ա. Հ. Մակարյանը, նիստի քարտուղարն էր Մ. Ս. Աթոյանը:

Գիտական խորհրդի նախագահ Ա. Հ. Մակարյանը բացելով գիտական խորհրդի նիստը, հայտարարեց քվեակազմի առկայության մասին և քվեարկության դրեց նիստի օրակարգը:

Օ Ր Ա Կ Ա Ր Գ

1. ԵՊՀ ԻՄ-ում մագիստրոսական թեզի պատրաստման և գնահատման կարգը հաստատելու մասին:

(Զեկուցող՝ ԵՊՀ ԻՄ տնօրենի պաշտոնակատար **Ա. Հ. Մակարյան**)

2. 2021-2022 ուստարվա ԵՊՀ ԻՄ ուսման վարձավճարների չափերի հաստատում: (Զեկուցող՝ ԵՊՀ ԻՄ տնօրենի պաշտոնակատար **Ա. Հ. Մակարյան**)

3. ԵՊՀ ԻՄ ԳԱՑ-ի /2015-2020թթ/ վերաբերյալ հաղորդում:

(Զեկուցող՝ ԵՊՀ ԻՄ-ի ՄԿՈԱ Բաժնի վարիչ **Մ. Ա. Ճաղարյան**)

4. ԵՊՀ ԻՄ-ում հետազոտական աշխատանքների իրականացումից և գնահատումից ուսանողների բավարարվածության հարցման արդյունքների մասին: (Զեկուցող՝ ԵՊՀ ԻՄ-ի ՄԿՈԱ Բաժնի վարիչ **Մ. Ա. Ճաղարյան**)

5. Հաղորդում ԵՊՀ ԻՄ պրոֆեսորադասախոսական կազմի որակավորման բարձրացման կրթագիտական ծրագրի կատարման ընթացքի մասին(2019-2020 ուստարի):

(Զեկուցող՝ ԵՊՀ ԻՄ Կրթական բարեփոխումների և դասախոսների վերապատրաստման բաժնի վարիչ **Ն. Գրիգորյան**)

6. Ընթացիկ հարցեր

6.1. ԵՊՀ ԻՄ-ում հայտարարված ներմասնաճյուղային դրամաշնորհային մրցույթի ընթացքի մասին:

(Զեկուցող՝ ԵՊՀ ԻՄ Տավուշ հետազոտական կենտրոնի ղեկավար **Հ.Ի. Մովսեսյան**)

Գիտխորհրդի անդամների կողմից օրակարգի համար այլ հարց չառաջարկվեց:

Բաց քվեարկությամբ՝ 25 կողմ 0 դեմ, 0 ձեռնպահ համամասնությամբ **որոշվեց**

Որոշում՝

➤ Հաստատել նիստի օրակարգը:

Օրակարգի առաջին՝ «ԵՊՀ ԻՄ-ում մագիստրոսական թեզի պատրաստման և գնահատման կարգը հաստատելու մասին» հարցի կապակցությամբ լսեցին ԵՊՀ ԻՄ տնօրենի պաշտոնակատար Ա. Մակարյանի հաղորդումը: ԵՊՀ ԻՄ-ի տնօրենի պաշտոնակատար **Ա.Մակարյանը** նշեց, որ կարգը Մասնաճյուղի գիտխորհրդում ներկայացվելուց առաջ անցել է որոշակի փուլեր. ուղարկվել է համապատասխան ստորաբաժանումների ներկայացուցիչներին (Ուսումնամեթոդական վարչություն, հեռակա ուսուցման մագիստրատուրայի «Դպրոցական մանկավարժություն և մեթոդիկա» կրթական ծրագրի համակարգող, Կրթական բարեփոխումների և դասախոսների վերապատրաստման բաժին, գիտական քարտուղար և իրավախորհրդատու), վերանայվել և համալրվել, ապա վերջնական տարբերակը ներկայացվել է ԵՊՀ ԻՄ-ի գիտխորհրդի հաստատմանը:

Արտահայտվեցին – Ընդհանուր տնտեսագիտության ամբիոնի վարիչ պրոֆեսոր Մ. Միքայելյանը, Ընդհանուր մաթեմատիկայի և բնագիտության

ամբորնի վարիչի պաշտոնակատար, դոցենտ Գ. Միմոնյանը: Արտահայտվողները նշեցին, որ ներկայացված կարգը ամփոփ փաստաթուղթ է լավ մշակված, և առաջարկեցին նախագծի 6.1 և 6.2.5 կետերում կատարել որոշակի խմբագրումներ:

Բաց քվեարկությամբ, միաձայն՝ 26 կողմ, 0 դեմ, 0 ձեռնպահ, ***որոշեցին***.

Որոշում 50/1

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել ԵՊՀ ԻՄ-ում հեռակա ուսուցման մագիստրոսական թեզի պատրաստման և գնահատման կարգը՝ համաձայն հավելված 1-ի:
2. Որոշումն ուժի մեջ է մտնում հրապարակման պահից:

Օրակարգի երկրորդ՝ «2021-2022 ուստարվա ԵՊՀ ԻՄ ուսման վարձավճարների չափերի հաստատում» հարցի կապակցությամբ լսեցին ԵՊՀ ԻՄ տնօրենի պաշտոնակատար **Ա. Մակարյանի** հաղորդումը:

Նա նշեց, որ ԵՊՀ ԻՄ-ի գիտական խորհրդում քննարկելը հարցը քննարկվել է նաև տնօրենության նիստում, և հաշվի առնելով իրականությունը որոշեցին վարձավճարների չափերը թողնել անփոփոխ, չնայած այն հանգամանքին, որ Մասնաճյուղում այն բավականին ցածր է՝ տես հավելված 2-ում:

Արտահայտվեցին – Ընդհանուր տնտեսագիտության ամբիոնի վարիչ պրոֆեսոր Մ. Միքայելյանը, Ընդհանուր մաթեմատիկայի և բնագիտության

ամբորնի վարիչի պաշտոնակատար, դոցենտ Գ. Միմոնյանը, Տուրիզմի և մշակութաբանության ամբիոնի վարիչի պաշտոնակատար, դոցենտ Գ. Հովհաննիսյանը և այլոք: Արտահայտվողները նշեցին, որ ճիշտ որոշում է կայացվել, հաշվի առնելով ներկա պահին ժողովրդի սոցիալ և բարոյահոգեբանական վիճակը

Բաց քվեարկությամբ, միաձայն՝ 27 կողմ, 0 դեմ, 0 ձեռնպահ, ***որոշեցին***

Որոշում 51/2

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 16-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել 2021-2022 ուստարվա ԵՊՀ ԻՄ ուսման վարձավճարների չափերը համաձայն հավելված 2-ի:
2. Որոշումն ուժի մեջ է մտնում հրամանագրման պահից:

Օրակարգի երրորդ՝ « ԵՊՀ ԻՄ ԳԱՑ-ի /2015-2020թթ/ վերաբերյալ հաղորդում» հարցի կապակցությամբ լսեցին ԵՊՀ ԻՄ-ի ՄԿՈԱ բաժնի վարիչ Մ. Ճաղարյանի հաղորդումը.

«Երևանի պետական համալսարան» հիմնադրամի Իջևանի մասնաճյուղի գործունեության գնահատման առանցքային ցուցանիշների լրակազմի համալրումը և վերլուծական ուսումնասիրության նպատակը Մասնաճյուղի գործունեության արդյունավետության և կատարողականի գնահատումն է: ԳԱՑ-ում ներկայացվում են ԵՊՀ ԻՄ-ի գործունեության հիմնական ոլորտների առանցքային ցուցանիշները վերջին հինգ տարիների համար: Այդ ցուցանիշների վերլուծությունը հնարավորություն է տալիս վեր հանել Մասնաճյուղի ձեռքբերումները և թույլ կողմերը, նպաստում է նրա

որակի ինքնագնահատման կարողությունների հզորացմանը, և անհրաժեշտ է Մասնաճյուղի զարգացման ռազմավարական պլանավորման գործընթացի տարբեր փուլերի և քայլերի արդյունքները չափելու և վերլուծելու համար: Այն կոնկրետ, պարզ և հաշվարկելի չափիչ գործիք է:

Ներկայացվող ԳԱՑ-ը համալրվել և վերլուծվել է 2019-2020 ուստարվա ավարտին Մասնաճյուղի բոլոր կառույցների մասնակցությամբ և ներկայացնում են Մասնաճյուղի գործունեության գնահատման համալրված առանցքային ցուցանիշները 2015-2020 թվականների համար ըստ ԵՊՀ ԻՄ-ի գործունեության 6 հիմնական բնագավառների.

1. **Ընդունելության և համակազմի**, որի ներկայացման համար ներառված են գնահատման **15** ցուցանիշներ,
2. **Ուսումնական գործընթացի՝ 17** ցուցանիշներով,
3. **Ռեսուրսների և կառավարման՝ 15** ցուցանիշներով,
4. **Ենթակառուցվածքների՝ 10** ցուցանիշներով,
5. **Գիտության և նորարարության՝ 7** ցուցանիշներով,
6. **Արտաքին կապերի և միջազգային համագործակցության՝ 4** ցուցանիշներով:

Այսինքն, ԳԱՑ 2015-2020 լրակազմում **68 ցուցանիշների** միջոցով ներկայացված և վերլուծված են Մասնաճյուղի վերջին հինգ տարիների գործունեության արդյունքները:

Ստորև կներկայացվեն ցուցանիշներից առավել բովանդակային տեղեկատվություն պարունակող ցուցանիշները, դրանց համեմատական վերլուծությունը 5 տարիների կտրվածքով և դրանցից բխող հետևությունները: Մասնավորապես, ուշադրություն կդարձվեն այն ցուցանիշներին, որոնք հիմնավորում են Մասնաճյուղի կայուն և արդյունավետ գործունեությունը, և այն ցուցանիշներին, որոնք ահազանգում են մասնաճյուղում առկա խնդիրների մասին և պահանջում են համապատասխան գործընթացներ:

Առաջին բնագավառ՝ ընդունելություն և համակազմ, 15 ցուցանիշների համապարփակ վերլուծությունը: Հարկ է նշել, որ ընդունելությունն այն ոլորտն է, որտեղ մասնաճյուղն իրականացնում է տարիներով ձևավորված և մշտապես բարելավվող կայուն գործունեություն՝ ապահովելով դիմորդների կայուն հոսք: 2019/2020 ուստարվա դիմորդների թիվը՝ **336**, գերազանցել է նախորդ տարվա ցուցանիշը (**237**): Ընդորում, պետք է նկատել, որ Մասնաճյուղի դիմորդների բաժնեմասն ընդհանուր դիմորդների համակազմում կայուն է և կենտրոնացված ընդունելության համակարգի ընդհանուր թվում բոլոր տարիների համար կազմում է մոտ **2%**: Սա նշանակում է, որ Մասնաճյուղն ունի դիմորդների իր կայուն հոսքը: Մասնաճյուղի դիմորդների գերակշիռ մասը (2019-2020 ուստարում գրեթե **99%-ը**) Տավուշի մարզից են: Սա իհարկե խնդիր է, չնայած պետք է փաստել, որ այլ մարզերից դիմորդներ ներգրավելու համար Մասնաճյուղն իրականացնում է բավականաչափ գործընթացներ, մասնավորապես պրոֆեսորադասախոսական և վարչական կազմի ներկայացուցիչներն այցելում են նաև սահմանակից մարզեր՝ Լոռու և Գեղարքունիքի, ներկայացնում են Մասնաճյուղի գործունեությունն ու կրթական ծրագրերը: 2019-2020 ուստարում առկա ուսուցմամբ դիմորդների թիվն ավելացել է բոլոր կրթական ծրագրերով (բացի «Դիզայն» կրթական ծրագրով): Համեմատաբար շատ հոսք կատարվել է հումանիտար գիտությունների ֆակուլտետում. այն կազմել է դիմորդների ընդհանուր հոսքի **43%-ը**: Առկա ուսուցմամբ նախընտրելի են եղել հիմնականում «Բնֆորմատիկա և կիրառական մաթեմատիկա», «Ֆինանսներ (ըստ ոլորտի)», «Անգլերեն լեզու և գրականություն» և «Զբոսաշրջություն» կրթական ծրագրերը, իսկ հեռակա ուսուցմամբ՝ «Տարրական մանկավարժություն և մեթոդիկա», «Պատմություն» և «Զբոսաշրջություն» կրթական ծրագրերը:

Կարևորվում է նաև ընդունվածների ցուցանիշը դիմորդների թվում՝ 2019 թվին առկա ուսուցման 220 դիմորդներից ընդունվել է 166-ը (**75.5%-ը**), որը էջ **6 30-ից**

վատ ցուցանիշ չէ, իսկ հեռակա ուսուցման 116 դիմորդներից՝ 52-ը (**44.8%-ը**): Այս ցուցանիշը հեռակա ուսուցման համակարգի համար վերջին երկու տարիներին նվազել է, ինչը նշանակում է, որ դիմորդների մեծ մասը ընդունելության շեմը չեն հաղթահարել: Եվ ընդունելության արդյունքներով միասնական քննությունները չհաղթահարելու պատճառով թափուր է մնացել պետպատվերով հատկացված տեղերից 6-ը, իսկ վճարովի հիմունքներով 404 տեղերի մեծ մասը: Սա իհարկե իր ազդեցությունն է ունենում ուսանողական համակազմի վրա, բացի դրանից, իհարկե առաջ բերելով խնդիրներ նաև Մասնաճյուղի գործունեության այլ որոշոր տեսակներում: Առկա ուսուցման ուսանողների համակազմը գրեթե կայուն է (**550-650** ուսանող), իսկ հեռակա ուսուցման համակարգի ուսանողների թվաքանակը ընդունվողների թվաքանակի նվազմամբ պայմանավորված վերջին տարիներին բավականին նվազել է (2015 թվականի նկատմամբ **35%-ով**): 2019-2020 ուստարում, ի տարբերություն նախորդ ուստարիների, առկա ուսուցմամբ սովորողների թիվը մոտենում է ուսանողների ընդհանուր թվի կեսին: Ամեն դեպքում, կարևոր է, որ ժամանակակից աշխատաշուկայի պահանջներին համապատասխան երկրորդ մասնագիտություն, կամ բարձրագույն կրթություն ստանալու ցանկություն ունեցող դիմորդներ կան, որոնք ցանկանում են ուսումը համատեղել աշխատանքի հետ: Հեռակա ուսուցման համակարգի ուսանողների թվի նվազման պատճառով նվազել է նաև վճարովի համակարգում սովորողների ուսանողների հաշվեկշիռը. 2019-2020 ուստարվա համար այն կազմել է **87.4%**: Մասնաճյուղից ուսանողների արտահոսք գրեթե չկա, բայց այլ բուհերից վերջին 5 տարիներին բավականին թվով ուսանողներ են տեղափոխվել Մասնաճյուղ՝ 2019թ.-ին **27** ուսանող: Այդ թվակազմում մեծ թիվ են կազմում (2019թ.-ի համար **63%**) միջին մասնագիտական ուսումնական հաստատություններից՝ քոլեջներից մասնաճյուղ տեղափոխված ուսանողները: Այստեղ իր ազդեցությունն ունեն Մասնաճյուղի և մարզի քոլեջների միջև կնքված համագործակցության պայմանագրերը:

Երկրորդ բնագավառ: Ուսումնական գործընթացի արդյունավետ կազմակերպման գրավականը Մասնաճյուղի պրոֆեսորադասախոսական կազմն է: Հիմնական պրոֆեսորադասախոսական կազմը (ներառյալ ԵՊՀ-ից հրավիրված դասախոսների) վերջին 5 տարիների համար կայուն է՝ **93-ից 97: Հիմնական պրոֆեսորադասախոսական** կազմում գիտական աստիճան ունեցող դասախոսների հաշվեկշիռը վերջին 3 ուսումնական տարիներին աճել է և կազմում է պրոֆեսորադասախոսական կազմի **50-ից 55%-ը**, որը լավ ցուցանիշ է: Այն պայմանավորված է տեղացի երիտասարդ կադրերի գիտական ձեռքբերումներով և նաև մայր բուհից գիտական աստիճանով պրոֆեսորադասախոսական կազմի համալրմամբ: Ընդ որում, 2019-2020 ուստարում պրոֆեսորադասախոսական կազմի գրեթե **78%-ը** Մասնաճյուղում հիմնական աշխատողներ են, որոնց **41%-ը** գիտական աստիճանով է, և նրանցում մեծ թիվ են կազմում Մասնաճյուղի նախկին շրջանավարտները:

Ուսումնական գործընթացի համար կարևոր ցուցանիշներ են ուսանողական համակազմ, պրոֆեսորադասախոսական և ուսումնաօժանդակ անձնակազմ հարաբերակցությունները: Վերջին 5 տարիների կտրվածքով ուսանող/պրոֆեսորադասախոսական հաստիքներ հարաբերակ-ցությունը կայուն է և կազմում է **19-20** միավոր՝ պայմանավորված ուսանողների թվի և պրոֆեսորադասախոսական հաստիքների թվի համամասնական փոփոխությամբ: Համաձայն Մասնաճյուղի 2016-2020թթ.զարգացման ռազմավարական ծրագրի վերջին 2 ուստարիներին մասնաճյուղում կատարվել է ուսումնաօժանդակ անձնակազմի օպտիմալացում՝ պայմանավորված նաև ուսանողների թվի նվազմամբ: Դրա արդյունքում ուսանող/ուսումնաօժանդակ կազմ հարաբերակցությունը մեծացել է:

Պրոֆեսորադասախոսական կազմի միջին տարեկան բեռնվածությունը համաձայն սահմանված նորմերի պետք է կազմի ոչ պակաս 700 ժամ: Վերջին տարիներին Մասնաճյուղի վարած կադրային քաղաքականության և

ուսումնական գործընթացի արդյունավետ կազմակերպման արդյունքում այդ ցուցանիշը մոտենում է նորմատիվին: Ժամավճարային հիմունքներով պրոֆեսորադասախոսական կազմի ավելացել է, որոնք ներգրավվել են նեղ մասնագիտական դասընթացներ և հեռակա ուսուցման համակարգում դասավանդելու համար: 2019/2020 ուստարում մասնաճյուղում դասախոսների միջին տարեկան ուսումնական բեռնվածությունը կազմել է **724.3** ժամ: Հումանիտար և բնական գիտությունների ֆակուլտետում այն ցածր է եղել միջին ցուցանիշից, իսկ տնտեսագիտության և կիրառական արվեստի ֆակուլտետում բարձր:

Ինչպես ցույց են տալիս վերջին հինգ տարիների արդյունքները Մասնաճյուղում ուսանողների առաջադիմության միջին ցուցանիշները նվազել է, և 2019-2020 ուստարում կազմել է **67%**, այսինքն յուրաքանչյուր 3 ուսանողից 1-ը չի հաղթահարել քննաշրջանները: Դա հավանաբար, պայմանավորված է 2019-2020 ուստարվա երկրորդ կիսամյակում ուսումնական և քննական գործընթացների առցանց կազմակերպման առանձնահատկություններով: Այն առանձնապես իր ազդեցությունն է թողել որոշ կրթական ծրագրերի արդյունավետ իրականացման վրա, մասնավորապես բնական գիտությունների ֆակուլտետում: Իսկ ահա դասավանդման որակից և արդյունավետությունից ուսանողների բավարարվածության վերաբերյալ ուսանողական հարցման արդյունքները հիմնականում գոհացուցիչ են և վերջին տարիներին նույնիսկ բարձրացել են՝ միջինը, մոտավորապես, **4.7 միավոր**, ինչը վկայում է պրոֆեսորադասախոսական կազմի արդյունավետ և որակյալ աշխատանքի մասին: Իսկ ահա Մասնաճյուղի պրոֆեսորադասախոսական կազմի կողմից հրատարակած ուսումնամեթոդական ձեռնարկների և դասագրքերի թիվը վերջին 3 տարիների համար փոքր թվեր են, որովհետև դրանց մեջ ներառված է միայն Մասնաճյուղի հիմնական պրոֆեսորադասախոսական կազմի ցուցանիշը՝ առանց ԵՊՀ-ից հրավիրված պրոֆեսորադասախոսական կազմի:

Այս ցուցանիշը հույս ունենք կբարձրանա 2020-2021 ուստարում դասախոսների գիտական գործունեության խրախուսման համար մտցված լրավճարների և բացված «Տավուշ» հետազոտական կենտրոնի գործունեության շնորհիվ:

Երրորդ բնագավառ: Վերջին տարիներին Մասնաճյուղի եկամուտները վճարովի ուսուցման ծառայությունից առանձնապես չեն ավելացել, նույնիսկ 2019թ.-ին նվազել են և կազմել են տարեկան բյուջեի **39%-ը**, որը հիմնականում պայմանավորված է վճարովի ուսուցման համակարգում ուսանողների թվի նվազմամբ: Այլ եկամուտների մասով իրականացվում են բազմաբնույթ քայլեր, որի արդյունքում գրանցվել է եկամուտների աճ: 2019թ.-ին Մասնաճյուղի տարեկան բյուջեն 2016թ.-ի համեմատ աճել է **23%-ով**, որի մեջ իր ազդեցությունն ունեն նախորդ տարվանից փոխանցված և ավելացած դրամական միջոցները և պետական բյուջեի աճը, որը 2019թ.-ին կազմել է Մասնաճյուղի տարեկան բյուջեի **17.2%-ը**: Պետք է նկատել, որ պետական բյուջեից եկամուտների հաշվեկշիռը տարեկան եկամուտներում վերջին 4 տարիներին աճել է: 2019թ.-ին մեկ ուսանողին ընկնող եկամուտների ծավալը նախորդ տարիների համեմատ ավելացել է և կազմել է **661** դրամ, որը պայմանավորված ուսանողների ընդհանուր թվի նվազմամբ և եկամուտների ծավալի ավելացմամբ: Ավելացել է նաև մեկ ուսանողին ընկնող ծախսերի ծավալը՝ 2019թ.-ին կազմել է **390** դրամ, ինչը կապված է իրականացված տեխնիկական վերազինման և գրականության ձեռքբերման ծախսերի հետ՝ լսարանները տեխնիկապես հագեցվել են և համակարգչային սրահները համալրվել, կատարվել է ուսումնական տարածքի վերանորոգում: 2019թ.-ին 2015թ.-ի համեմատ ուսումնական ծախսերն աճել են **15%-ով**: Տարեկան ընդհանուր ծախսերում ուսումնական ծախսերի հաշվեկշիռը վերջին 4 տարիների համար մեծացել է, սակայն այն համեմատաբար կայուն է և գտնվում է **48%-49,0%** միջակայքում: 2019թ.-ին մեկ ուսանողին ընկնող ուսումնական ծախսերը ավելացել են և կազմել են **190** դրամ, որը

պայմանավորված է ուսանողների թվի նվազմամբ, և կազմում են մեկ ուսանողին ընկնող ընդհանուր ծախսերի **(387.9** դրամ) կեսը: 2019թ.-ին ուսումնառության ծախսերը 2015թ.-ի համեմատ աճել են **24.6%-ով**, իսկ նախորդ տարվա համեմատ աճել են գրեթե **2%-ով**: Ընդհանուր տարեկան ծախսերում ուսումնառության ծախսերի հաշվեկշիռը 2016-2019 տարիների համար համեմատաբար կայուն է և կազմում է **11%-11,3%**, որը հիմնավորում է օպտիմալ ուսումնառության անձնակազմի և անհրաժեշտ պայմանների առկայությունը:

Պրոֆեսորադասախոսական կազմի միջին աշխատավարձի հարաբերությունը ՀՀ պաշտոնական միջինին 2015թ.-ից հետո նվազել էր, որը պայմանավորված է ԵՊՀ ԻՄ-ի պրոֆեսորադասախոսական կազմի միջին աշխատավարձի անփոփոխ, իսկ ՀՀ պաշտոնական միջին աշխատավարձի աճի տեմպերով: Այն 2018թ.-ին աճել է և մոտեցել է ՀՀ պաշտոնական միջինին:

Ծախսերի ընդհանուր ծավալում գերակշռում են աշխատանքի վարձատրության և եկամտային հարկի ծախսերը՝ **81%-90%**, (ինչը պայմանավորված է կազմակերպության գործունեության բնույթով, կազմակերպա-իրավական ձևով), ընդ որում՝ այդ ցուցանիշը վերջին տարիներին թեպետ քիչ, բայց աճել է, ինչը հիմնավորվում է հարկային համապատասխան օրենքների փոփոխություններով (եկամտային հարկի) և աշխատակիցների աշխատավարձերի բարձրացմամբ:

Չորրորդ բնագավառ: Մասնաճյուղում մեկ ուսանողին ընկնող ընդհանուր և ուսումնական տարածքները առկա և հեռակա ուսուցմամբ ուսանողների թվի նվազմամբ պայմանավորված ընդհանուր առմամբ ավելացել են:

2016-2017 թվականին լսարանային ֆոնդի աճը պայմանավորված է ակադեմիական խմբերի աճով: 2016-2017 ուսումնական տարում սկսել են

իրականացվել նոր կրթական ծրագրեր, ինչից էլնելով նաև ավելացվել են ակադեմիական խմբերը և ստեղծվել են նոր լսարաններ: 2017թ.-ից ակադեմիական խմբերը նվազել են ուսանողների քանակի նվազմամբ և որոշակի ակադեմիական խմբերի միավորումով պայմանավորված: Մեկ ակադեմիական խմբին ընկնող լսարանների քանակը մեկից փոքր է, 2019թ.-ին կազմել է 0.78 միավոր, և պայմանավորված է առկա և հեռակա ուսուցման ընթացքում լսարանների համատեղմամբ (այսինքն երկհերթ ուսումնառության կազմակերպմամբ):

2019-2020 ուստարում մեկ ուսանողին ընկնող գրքերի թիվն աճել է՝ հիմնականում ուսանողների ընդհանուր թվի նվազման և նաև գրքերի թվի աճի պատճառով, 2019թ.-ին գրադարանում մեկ ուսանողին ընկնող գրքերի թիվը կազմել է **15.9** միավոր և վերջին տարիների համեմատ աճել է գրեթե 2 անգամ:

2019թ.-ին մեկ ուսանողին ընկնող գրականության ձեռքբերման ծախսը կազմել է **356** դրամ, որը նախորդ տարիների համեմատ միջին թիվ է: Պետք է նշել, որ 2017 թվականի դեկտեմբերից գործարկված Մասնաճյուղի էլեկտրոնային գրադարանն իր հերթին առաջարկում է մոտ 950 էլեկտրոնային նյութեր (հիմնականում դասագրքեր, մենագրություններ, ինչպես նաև գիտական ամսագրեր և այլն):

Մասնաճյուղի ֆինանսական ներդրումները գրականության և սարքավորումների ձեռքբերման համար, վերջին տարիներին այն նվազել է, ինչը պայմանավորված է մասնագիտական գրքերի բարձր գներով: 2016-2018թթ.սարքավորումների ձեռքբերման ծախսերը աճել են, պայմանավորված համակարգչային և այլ լաբորատորիաների ստեղծմամբ, արդիականացմամբ և վերազինմամբ: Իսկ 2019թ. սարքավորումների ձեռք բերման ծախսերը նվազել են և կազմել ընդամենը **1312000** դրամ, որը նախորդ տարվա համեմատ գրեթե 6 անգամ քիչ է: Վերջին երեք տարիներին նվազել են տարեկան էներգածախսը և ջրածախսը, դա պայմանավորված է ջեռուցման ավելի արդյունավետ

միջոցների կիրառմամբ, համակարգչային սրահների վերազինմամբ, նաև խնայողաբար օգտագործմամբ:

Հիգիենայի ֆնագավառ: Վերջին 3 տարիներին մեկ դասախոսին ընկնող գիտական հրատարակությունների թիվը կազմում է **0.85, 0.75 և 0.80**, իսկ 2019/20 ուստարում՝ **0.48**, և վերջին 4 ուստարիների համար գիտական հրատարակությունների վերաբերյալ բերված թվերը ներկայացնում են միայն Մասնաճյուղի հիմնական պրոֆեսորադասախոսական կազմի՝ առանց ԵՊՀ-ից հրավիրվածների, հրատարակությունների թիվը, դա նշանակում է, որ Մասնաճյուղի պրոֆեսորադասախոսական կազմն ավելի շատ ներգրավված է ուսումնական գործընթացում: Դասերով ծանրաբեռնվածությունը, ցածր աշխատավարձը, մոտիվացիայի պակասը, գործուղումների, գրեթե բացակայությունը և այլն: Նշենք, որ վերջին տարվա համեմատաբար փոքր ցուցանիշը պայմանավորված է նաև ՀՀ-ում տեղի ունեցող ներքաղաքական պատճառներով, covid19-ով, ինչպես նաև «Ակունք»-ի ԲՈԿ-ի ցանկից դուրս մնալով: Մասնաճյուղը քայլեր է ձեռնարկել դասախոսների գիտական գործունեության խրախուսման համար, որը հույս ունենք իր արդյունքները կտա և կարտահայտվի հաջորդ տարվա ցուցանիշում:

Վեցերորդ ֆնագավառ: Մասնաճյուղը բավականին գործընթացներ ունի իրականացնելու նաև արտաքին ու միջազգային կապերի և համագործակցությունների ֆնագավառում: Մասնաճյուղը հանրությանը տրամադրում է պարբերականներ, տարբեր տեղեկատվական հրատարակություններ, շահակիցներին ներկայացնում է իր կրթական ծրագրերը:

Համագործակցության շրջանակներում Մասնաճյուղը տարբեր կազմակերպությունների, դպրոցների և քոլեջների հետ կնքել է մանկավարժական, ուսումնական և արտադրական պրակտիկաների

կազմակերպման պայմանագրեր, իրականացվել են տարբեր ծրագրեր. միայն 2019 թ.-ին՝ 51:

Մասնաճյուղի 2015-2020թթ. գործունեության գնահատումը ըստ առանցքային ցուցանիշների ամբողջությամբ կարող էք տեսնել **հավելված 3-ում**:

Արտահայտվեցին – ԵՊՀ ԻՄ տնօրենի պաշտոնակատար **Ա.Մակարյանը**, Տուրիզմի կառավարման և մշակութաբանության ամբիոնի վարիչի պաշտոնակատար **Գ. Հովհաննիսյանը**, Ընդհանուր տնտեսագիտության ամբիոնի վարիչ **Մ. Միքայելյանը** և այլք:

Ա. Մակարյանը նշեց, որ անհրաժեշտ է ուշադրություն դարձնել պրոֆեսորադասախոսական կազմ – ուսանողներ, վարչական կազմ – ուսանողներ, դասախոս – վարչական կազմ հարաբերակցություններին, Մասնաճյուղը վարչական անձնակազմի վրա համեմատաբար շատ ռեսուրսներ է տրամադրում, քան սովորաբար ունենում են Բուհ-երը: **Ա. Մակարյանը** առաջարկեց առաջիակա գիտական խորհրդի նիստում ձևավորել հանձնաժողով կամ աշխատանքային խումբ, ով ծանոթ է մեր ռազմավարական ծրագրին, կմտածի Մասնաճյուղի ռազմավարական գործողությունների մասին և կներկայացնի առաջարկներ գործողությունների վերաբերյալ:

Առաջարկվեց նաև վերլուծությունն ուղարկել բոլոր ստորաբաժանումներին:

Որոշեցին

Որոշում

Ընդունել ի գիտություն:

Օրակարգի չորրորդ` « ԵՊՀ ԻՄ-ում հետազոտական աշխատանքների իրականացումից և գնահատումից ուսանողների բավարարվածության հարցման արդյունքների մասին» հարցի մասին լսեցին ՄԿՈԱ բաժնի վարիչ Մ. Ճաղարյանի հաղորդումը.

2020թ. մարտ-մայիս ամիսներին ԵՊՀ Իջևանի մասնաճյուղում բոլոր գործող կրթական ծրագրերը վերանայվել են: Կրթական ծրագրերում առանձնացվել են մասնագիտական 5-ից 6 դասընթացներ, նրանք ամրագրվել են որպես հետազոտական բաղադրիչ պարունակող դասընթացներ: 2020-2021 ուստարվա առաջին կիսամյակում տարբեր կրթական ծրագրերով իրականացվել են հետազոտական աշխատանքներ: Նման կազմակերպմամբ և տրամաբանությամբ աշխատանքներ Մասնաճյուղում իրականացվել են առաջին անգամ, հետևաբար այդ աշխատանքների իրականացման ընթացքում և՛ ուսանողները, և՛ դասախոսները, հանդիպել են տարբեր խնդիրների: Մասնագիտական կրթության որակի ապահովման (ՄԿՈԱ) բաժինն առաջին կիսամյակի քննաշրջանի ավարտից հետո, մարտի սկզբին, հարցման միջոցով ուսումնասիրել է հետազոտական աշխատանքների կազմակերպումից և գնահատումից ուսանողների բավարարվածությունը:

Հարցաշարը ներառել է հարցեր, որոնց միջոցով նպատակ ենք ունեցել պարզելու ուսանողների բավարարվածությունը.

1. հետազոտական աշխատանքների բովանդակությունից և ռեսուրսներից,
2. հետազոտական աշխատանքի իրականացման ընթացքում ղեկավարի աջակցությունից,
3. կատարած աշխատանքից,
4. հետազոտական աշխատանքի կազմակերպումից,
5. հետազոտական աշխատանքի գնահատումից:

Հարցման օբյեկտիվության և ուսանողների անկաշկանդ մասնակցության նկատառումներով հարցումն իրականացվել է անանուն և առցանց եղանակով: Հարցմանը մասնակցել են 26 դասընթացների շրջանակներում հետազոտական աշխատանք իրականացրած 15 կուրսերի 150 ուսանողներից **80-ը (53%)**, որը մասնակցության շատ ցածր ցուցանիշ է: Հարցմանը մասնակցած ուսանողների **54%-ի** կարծիքով հետազոտական աշխատանքը ուսանողների մոտ հետազոտելու, ստեղծագործելու, մտածելու և արտահայտվելու կարողությունները զարգացնելու միջոց է, **44%-ի** կարծիքով այն տվյալների հավաքագրման և դրանց վերլուծման կարողությունները զարգացնելու միջոց է, **8%-ը** հետազոտական աշխատանքը բնութագրել է որպես ինքնուրույն աշխատանք, իսկ **4%-ը** այն համարում է կուրսային աշխատանք: Ընդհանուր առմամբ, գրեթե բոլոր կարծիքներն արտահայտում են հետազոտական աշխատանքի գաղափարական կողմը: Այսինքն, ըստ ուսանողների, իրականացվող հետազոտական աշխատանքները նպատակ ունեն ուսանողների մոտ զարգացնելու թեման խորությամբ ուսումնասիրելու, անհրաժեշտ տվյալներ դուրս բերելու, դրանք համեմատելու և գնահատելու, սեփական եզրակացություն մշակելու և ներկայացնելու կարողությունները:

Ըստ հարցման արդյունքների.

- ✓ ուսանողների **97.5%-ը** կատարել և ներկայացրել է իր հետազոտական աշխատանքը:
- ✓ ուսանողների **71%-ը** (55 ուսանող) փաստել է, որ մասնակցել է հետազոտական աշխատանքի թեմաների առաջադրմանը՝ արտահայտելով իր ցանկությունները:
- ✓ ուսանողների **22%-ը** փաստում է, որ հետազոտական աշխատանքի թեման իր նախասիրությունների շրջանակում էր,
- ✓ իսկ **48%-ն** այն համարել է ուղղակի հետաքրքիր թեմա,
- ✓ իսկ ահա **9%-ը** (ընդամենը 7 ուսանող) իր թեման համարել է անհետաքրքիր, ինչը կարող է կախված լինել թեմայից անտեղյակության, թեմայի բարդության կամ ոչ արդիականության հետ և այլն:

Համադրելով հետազոտական աշխատանքի վերաբերյալ ուսանողների ձևակերպումները և կատարած աշխատանքի բնույթի վերաբերյալ կարծիքները կարելի է եզրակացնել, որ դրանք համընկնում են: Մասնավորապես, նրանց գրեթե **58,4%-ի** կարծիքով իրականացված աշխատանքը ամբողջությամբ հետազոտական էր, իսկ **31,2%-ի** կարծիքով աշխատանքն ավելի շուտ ինքնուրույն աշխատանք էր: Իսկ ահա մասնակիցների մոտ 10%-ը դժվարացել է ներկայացնել իր աշխատանքի բնույթը: Ուսանողների պատասխաններից հետևում է, որ թեմաները հիմնականում եղել են մատչելի և հասանելի, մասնավորապես նրանց **60%-ի** մոտ հետազոտական աշխատանքի կատարումը բարդություն չի ներկայացրել, **28%-ը** նշել է, որ ստիպված է եղել շատ նոր բաներ սովորել, ինչը հետազոտական աշխատանքի կարևոր նպատակներից մեկն է, և թեմաների ճիշտ ընտրման և ուսանողների հետ դասախոսների արդյունավետ գործունեության արդյունքում պետք է հասնել այս ցուցանիշի բարելավմանը: Ուսանողներից **5%-ի** մոտ եղել են դժվարություններ, սակայն, ինչպես իրենք են փաստել, կարողացել են հաղթահարել և գերազանց կատարել աշխատանքը: Ընդհանուր առմամբ աշխատանքը լավ է ստացվել մոտ **93%-ի** մոտ:

Ուսումնասիրելով հետազոտական աշխատանքների կատարման արդյունքում իրենց ձեռքբերումների վերաբերյալ ուսանողների կարծիքները, կարելի է համարել, որ մասնաճյուղը կատարել է իր առջև դրված խնդիրը՝ հասնելով անհրաժեշտ արդյունքի: Հարցմանը մասնակցած ուսանողների **55-ից 70%-ը** նշել է, որ հետազոտական աշխատանքն իրենց տվել է ինքնուրույն աշխատելու ունակություններ, դատողություններ, եզրակացություններ և վերլուծություններ կատարելու կարողություններ, նոր գիտելիքներ և այլն: Ուսանողների **56%-ը** նշել է, որ հնարավորության դեպքում կցանկանար շարունակել աշխատել իր թեմայի ուղղությամբ:

Ուսանողի հաջողության առաջնահերթ գրավականներից են նրա ինքնակրթությունը և դասախոսների հետ հաջող համագործակցությունը:

ՄԿՈԱ բաժինը, ուսումնասիրության շրջանակներում փորձել է պարզել, թե ուսանողները որքանով են բավարարված աշխատանքի ղեկավարի աջակցությունից.

1. թեմայի ընտրության գործում,
2. հետազոտական մեթոդների ընտրության գործում,
3. վերլուծությունների կատարման ժամանակ,
4. գրականության և մեթոդական նյութերի ընտրության գործում,
5. աշխատանքի արդյունքների ձևակերպման ժամանակ:

Ուսանողներն առաջադրված այդ հարցերին պատասխանել են իրենց բավարարվածությունը գնահատելով 5 միավորանոց սանդղակով, որտեղ 5-ը ամենաբարձր նիշն է, 2-ը՝ ամենացածր, իսկ 0-ն՝ դժվարանում են պատասխանել: Հավաքագրված տվյալների վերլուծության արդյունքում վերը նշված գործընթացների համար դասախոսների կողմից ուսանողներին աջակցության միջին միավորները կազմել են **3.7-3.9** միավոր: Համեմատական կարգով աջակցությունը բարձր է գնահատվել ղեկավարների կողմից: Ինչը առավելապես կարող է լինել ղեկավարի կողմից պահանջվող աշխատանքի վերաբերյալ ուսանողների ոչ ճիշտ պատկերացումը:

Ցանկացած պարագայում այս գործընթացում նկատվել են հետևյալ խնդիրները.

- ✓ ղեկավարների կողմից ոչ անհրաժեշտ չափով աջակցություն,
- ✓ ուսանողներին աշխատանքի իրականացման ճանապարհի ոչ ճիշտ ներկայացում:

Հարցման 3-րդ բաժնի հարցերով նպատակ ենք ունեցել պարզելու ուսանողների **բավարարվածությունն իրենց կատարած աշխատանքից:**

Գնահատման 5 միավորանոց սանդղակով փորձել ենք պարզել, թե որքանով է ուսանողների մոտ ստացվել ինքուրույն.

1. պլանավորել հետազոտական աշխատանքի իրականացման ընթացքը,
2. ձևակերպել աշխատանքի նպատակն ու խնդիրները,
3. գնահատել թեմայի արդիականությունը և նշանակությունը,
4. հավաքագրել անհրաժեշտ տեղեկատվությունը,
5. օգտվել անհրաժեշտ գրականությունից,
6. ներկայացնել ձեռք բերված արդյունքները,
7. ձևակերպել եզրակացությունը,
8. ներկայացնել կատարած աշխատանքը:

Նշենք, որ ըստ նշված հարցերի Մասնաճյուղում հարցմանը մասնակցած ուսանողների կողմից տրված գնահատականների միջինը կազմել է **3.9-4.1** միավոր, որը նույնպես բարձր արդյունք չէ: Այս դեպքում ուսանողների աշխատանքը համեմատաբար ցածր է գնահատվել դեկավարների կողմից, ինչը կրկին փաստում է, ուսանողների ոչ լիարժեք պատկերացումը աշխատանքի բնույթից: Այս գնահատականների ռեալ բովանդակությունն ավելի ընկալելի և խնդիրներն ավելի տեսանելի կլինեն ըստ ֆակուլտետների դիտարկման արդյունքում:

Ստորև ներկայացնում ենք բոլոր ֆակուլտետների ամփոփ արդյունքները: Հետազոտական բաղադրիչով դասընթացների գաղափարի նորամուծությունը նոր խնդիրներ է առաջադրել ոչ միայն ուսանողների համար, նաև ուսումնական գործընթացի կազմակերպիչների համար: Նրանք պետք է ապահովեն անհրաժեշտ պայմաններ ու միջավայր ուսանողների հետազոտական գործունեության արդյունավետ և հարթ կազմակերպման համար: Այդ գործընթացում ցանկացած թերություն և բարդ իրավիճակ, ակնհայտ է, կարող է նվազեցնել ուսանողի մոտիվացիան: Այդ պատճառով բոլոր պատասխանատուներն աշխատել են նվիրումով և կազմակերպել ու

աջակցել են ուսանողներին: Ներկայացված արդյունքներից կարող ենք եզրակացնել, որ հետազոտական աշխատանքի կատարման համար տրամադրված ժամանակահատվածից առավել բավարարված են ուսանողները, քան ղեկավարները: Կարելի է եզրակացնել, որ ղեկավարներն ունեցել են ավելի մեծ պլաններ և ակնկալիքներ:

Ուսումնասիրությունները ցույց են տալիս, որ Մասնաճյուղի դասախոսները հետազոտական աշխատանքների կատարման համար գերադասել են ուսանողների անհատական աշխատելու սկզբունքը: Հարցմանը մասնակցած ուսանողների **86%-ը** իր հետազոտական աշխատանքը կատարել է անհատապես, **14%-ը**՝ խմբային և անհատական աշխատանքների զուգակցումով, իսկ **6%-ը**՝ միայն խմբային աշխատանքով: Հարկ է նշել, որ ուսանողների **85%-ի** համար աշխատանքի կազմակերպման ընտրված ձևը եղել է արդյունավետ: Իսկ ահա հարցման մասնակիցների **77%-ը** փաստել է, որ իրենց ծանոթացրել են հետազոտություն կատարելու մեթոդաբանությանը, իսկ **4%-ը** նշել է, որ իրենց այն չի ներկայացվել:

Ուսանողի համար ցանկացած աշխատանքի ավարտը ամրագրվում է գնահատականով, որն արտահայտում է կոնկրետ նպատակի հասնելու համար նրա թափած ջանքերն ու ձեռքբերումները: Նշենք, որ հարցման մասնակիցների գերակշիռ՝ **79%-ը** վկայել է, որ գնահատման չափանիշների մասին տեղեկացել է անմիջապես դասախոսից: Ուսանողների **17 %-ը** գնահատման չափանիշներից տեղեկացել է այլ ճանապարհներով, իսկ **4%-ը** առհասարակ տեղեկացված չի եղել: Սա իհարկե կարելի է բացատրել ոչ միայն դասախոսի թերացմամբ, այլ նաև ուսանողների անտարբերությամբ: Ուսանողների **54%-ի** կարծիքով գնահատման չափանիշները ճիշտ են ընտրված, **41%-ի** կարծիքով՝ մասամբ են ճիշտ: Չնայած, որ ըստ հարցման արդյունքների ուսանողների ճնշող մեծամասնությունը՝ **84%-ը**, բավարարված է իր ստացած գնահատականից, սակայն **12%-ի** կարծիքով իր ստացած

գնահատականը չի համապատասխանում կատարված աշխատանքին: Բացի երկկողմ սուբյեկտիվության առկայությունից նման կարծիքի համար պատճառ կարող է հանդիսանալ նաև ուսանողների ոչ լիարժեք տեղեկացվածությունը գնահատման չափանիշներից: Աշխատանքի ղեկավարների **56%-ի համար** , գնահատման չափանիշները արդյունավետ են եղել մասամբ: Այնուամենայնիվ դասախոսները վկայել են, որ գնահատականները եղել են աշխատանքին համապատասխան, նույնիսկ դասախոսների **44% -ը** նշել է, որ գնահատականները բարձր է նշանակվել, խրախուսման նպատակով: Աշխատանքների գնահատումն իրականացվել է ըստ ամրագրված չափանիշների: Դրանցում կարևորվում են ուսանողի ինքնուրույնությունը, ներկայացրած վերլուծությունները, արդյունքների հիմնավորվածությունը, տվյալների մշակումը և այլն:

Փորձել ենք պարզել, թե ըստ ուսանողների իրենց աշխատանքում հատկապես ի՞նչ է բարձր գնահատվել: Արդյունքներից կարելի է եզրակացնել, որ ուսանողների կողմից ներկայացվել են բավականին լավ կատարված աշխատանքներ, և հարցմանը մասնակցած ուսանողների **50-ից 60%-ը** վկայել է, որ իր աշխատանքը գնահատելուց հաշվի են առնվել բոլոր հիմնական տեսանկյունները: Արդյունքները հիմնականում համընկնում են աշխատանքի ղեկավարների կողմից նշված արդյունքներին:

Հետազոտական աշխատանքների բարելավման նպատակով ուսանողների կողմից հնչեցված հիմնական առաջարկներն են.

1. հնարավորինս նվազեցնել մեկ կիսամյակում հետազոտական աշխատանքների քանակը՝ որակի ապահովման համար,
2. հանձնարարել առավել արդիական թեմաներ,
3. վերանայել գնահատման չափանիշները և դրանք լիարժեք կիրառել գնահատման ժամանակ,
4. աշխատանքների գնահատմանը մասնակից դարձնել մի քանի դասախոսների,

5. ներառել ավելի շատ գործնական աշխատանքներ:

Դասախոսների կողմից ներկայացված առաջարկներն են.

1. Հետազոտական աշխատանք իրականացնել առաջին կուրսից, տարբերակելով աշխատանքի պահանջները:
2. Իրականացնել հետազոտական աշխատանքի նախապատրաստական դասընթացներ:
3. Աշխատանքը իրականացնել տվյալ առարկայի ծրագրի ավարտից հետո:
4. Վերադառնալ կուրսային աշխատանքին:
5. Հետազոտական աշխատանքի համար տրամադրել առանձին դասընթաց, առանձին կրեդիտով:

Հետազոտական աշխատանքի կատարման ընթացքում ուսանողների մոտ առաջացած խնդիրները հիմնականում կապված են

- ✓ Համավարակի սահմանափակումների հետ /դաս., ուս./:
- ✓ Անհրաժեշտ գրականության պակասի հետ/ուս./
- ✓ Ծանրաբեռնվածությամբ՝ մեկ կուրսում մի քանի աշխատանք/դաս., ուս./:
- ✓ Փորձի պակասի հետ/դաս./

Հետազոտության ընթացքում ի հայտ եկած հիմնական խնդիրներն են.

- ✓ Ուսանողները լիարժեք պատկերացում չունեն իրենց կողմից և ղեկավարի կողմից պահանջվող գործառնությունների վերաբերյալ:
- ✓ Ուսանողների ոչ լիարժեք պատկերացումը հետազոտական աշխատանքի կազմակերպման մեթոդաբանությունից:
- ✓ Ուսանողների ոչ լիարժեք պատկերացումը գնահատման չափանիշներից:

Հարցման արդյունքները կտրամադրվեն.

- ✓ Ամբիոններ,
- ✓ Կրթական բարեփոխումների և դասախոսների վերապատրաստման բաժին,
- ✓ Հետազոտական աշխատանքների ղեկավարներին,

- ✓ Հետազոտական աշխատանք իրականացնող ուսանողներին,
- ✓ Կիրառարակվի Մասնաճյուղի կայքէջում:

Արտահայտվեցին – ԵՊՀ ԻՄ տնօրենի պաշտոնակատար **Ա. Մակարյանը**:

Նա առաջարկեց վերլուծությունը ուղարկել ամբիոններ:

Որոշեցին.

Որոշում

➤ Ընդունել ի գիտություն:

Օրակարգի հինգերորդ` «Հաղորդում ԵՊՀ ԻՄ պրոֆեսորադասախոսական կազմի որակավորման բարձրացման կրթագիտական ծրագրի կատարման ընթացքի մասին (2019-2020 ուստարի)» հարցի մասին լսեցին ԵՊՀ ԻՄ կրթական բարեփոխումների և դասախոսների վերապատրաստման բաժնի վարիչ **Ն. Գրիգորյանի** հաղորդումը.

2019-2020 ուստարվա ընթացքում ԵՊՀ ԻՄ պրոֆեսորադասախոսական կազմի որակավորման բարձրացման կրթագիտական ծրագրով իրականացվել են հետևյալ վերապատրաստումները.

1. 2019թ. սեպտեմբեր ամսին շարունակվել են իրականացվել «Տեղեկատվական և հաղորդակցական տեխնոլոգիաներ» մոդուլի «Աշխատանք վիրտուալ կրթական միջավայրում» /Moodle/ 10 ակադեմիական ժամ տևողությամբ դասընթացը, որի աշխատանքներն ընդհատվել էին 2019թ. հունիս ամսին` տեխնիկական պատճառներով:

Դասընթացին մասնակցել է թվով **14** դասախոս. Հումանիտար գիտությունների ֆակուլտետ- **7 դասախոս**, Տնտեսագիտության ֆակուլտետ- **5 դասախոս**, Բնական գիտությունների ֆակուլտետ- **2 դասախոս**:

Դասընթացի ավարտին նախատեսված ստուգարքը հանձնել են **13** դասախոս. Հումանիտար գիտությունների ֆակուլտետ- **7 դասախոս**, Տնտեսագիտության ֆակուլտետ - **4 դասախոս**, Բնական գիտությունների ֆակուլտետ - **2 դասախոս**:

2019-2020 ուստարում Մասնաճյուղում սկսել են իրականացվել «ERASMUS+ PRINTEl» նախագծի շրջանակներում իրականացվող «Ուսուցման նորարարական մեթոդներ» մոդուլի դասընթացները:

2. 2019թ. հոկտեմբերի 10-ին, 22-ին և նոյեմբերի 5-ին, 12-ին մասնաճյուղում անց է կացվել «Ուսուցման նորարարական մեթոդներ» մոդուլում ներառված «Ակտիվ ուսուցում. շրջված դասարանում» 10 ակադեմիական ժամ տևողությամբ վերապատրաստման դասընթացը, որը վարել է ԵՊՀ Փիլիսոփայության պատմության, տեսության և տրամաբանության ամբիոնի ասիստենտ, կրթության փորձագետ Սերոբ Խաչատրյանը: Դասընթացին մասնակցել է թվով **29** դասախոս. Հումանիտար գիտությունների ֆակուլտետ- **17 դասախոս**, Տնտեսագիտության ֆակուլտետ- **4 դասախոս**, Բնական գիտությունների ֆակուլտետ- **4 դասախոս**, Կիրառական արվեստի ֆակուլտետ - **4 դասախոս**:

Դասընթացի ավարտին նախատեսված ստուգարքը հանձնել են 18 դասախոս. Հումանիտար գիտությունների ֆակուլտետ- **9 դասախոս**, Տնտեսագիտության ֆակուլտետ- **4 դասախոս**, Բնական գիտությունների ֆակուլտետ- **4 դասախոս**, Կիրառական արվեստի ֆակուլտետ - **1 դասախոս**:

3. 2020թ. հունվար-հուլիս ամիսներին իրականացվել է պրոֆեսորադասախոսական կազմի որակավորման բարձրացման ծրագրի կրթական կառուցամասի «Անգլերենը ակադեմիական միջավայրում» 60 ակադեմիական ժամ տևողությամբ վերապատրաստման դասընթացը, որին մասնակցել է թվով 12 դասախոս. Հումանիտար գիտությունների

Ֆակուլտետ- **6 դասախոս**, Տնտեսագիտության ֆակուլտետ - **1 դասախոս**,
Բնական գիտությունների ֆակուլտետ- **4 դասախոս**, Կիրառական արվեստի
ֆակուլտետ- **1 դասախոս**:

Դասընթացի ավարտին անցկացված քննությունը հաղթահարել են 3
դասախոսներ. Հումանիտար գիտությունների ֆակուլտետ- **2 դասախոս**,
Կիրառական արվեստի ֆակուլտետ- **1 դասախոս**:

4. 2020թ. հունվարի 29-ից 31-ը կազմակերպվել է
պրոֆեսորադասախոսական կազմի որակավորման բարձրացման ծրագրի
«Ուսուցման նորարարական մեթոդներ» մոդուլում ներառված 12
ակադեմիական ժամ տևողությամբ՝ «Համակցված դասավանդում և
ուսուցում» դասընթացը, որը վարել է ԵՊՀ Քիմիայի ֆակուլտետի՝
Ֆիզիկական և կոլոիդների քիմիայի ամբիոնի դոցենտ Լիանա Գաբրիելյանը:

Դասընթացին մասնակցել են թվով **36** դասախոսներ. Հումանիտար
գիտությունների ֆակուլտետ- **22 դասախոս**, Տնտեսագիտության
ֆակուլտետ- **4 դասախոս**, Բնական գիտությունների ֆակուլտետ- **7**
դասախոս, Կիրառական արվեստի ֆակուլտետ- **3 դասախոս**:

Դասընթացի ավարտին անցկացված ստուգարքը հանձնել են 32
դասախոս, որից՝ Հումանիտար գիտությունների ֆակուլտետ- **19 դասախոս**,
Տնտեսագիտության ֆակուլտետ- **4 դասախոս**, Բնական գիտությունների
ֆակուլտետ- **6 դասախոս**, Կիրառական արվեստի ֆակուլտետ- **3 դասախոս**:

5. 2020թ. փետրվարի 20-ից մայիսի 30-ը անց է կացվել 64
ակադեմիական ժամ տևողությամբ վերապատրաստման դասընթաց՝ Edunext
կրթական պլատֆորմում դասընթացների տեղադրումը իրականացնելու
նպատակով, որին մասնակցել են ԵՊՀ ԻՄ-ի 4 աշխատակիցներ: Դասընթացի
ընթացքում Edunext կրթական պլատֆորմ են ներմուծվել
«Մակրոտնտեսագիտություն» և «Մաթեմատիկական անալիզ»

դասընթացները (տնային առաջադրանքներ, տեսանյութեր, առաջադրանքներ՝ միջանկյալ քննությունների ֆորմատով):

6. Մայիսի 2-5-ը և մայիսի 14-16-ը կազմակերպվել է 10 ակադեմիական ժամ տևողությամբ «Ինչպես օգտագործել Google forms ձևաչափի հնարավորությունները առցանց քննությունների համար» առցանց դասընթացը՝ 2 փուլով (հիմնական և համատեղությամբ աշխատող դասախոսների համար): Դասընթացի 2 փուլերին մասնակցել են **4** աշխատակից և **48** դասախոս. Հումանիտար գիտությունների ֆակուլտետ- **26 դասախոս**, Տնտեսագիտության ֆակուլտետ- **9 դասախոս**, Բնական գիտությունների ֆակուլտետ- **11 դասախոս**, Կիրառական արվեստի ֆակուլտետ- **2 դասախոս**:

Դասընթացներն ավարտվել են ստուգաթղթով, որը հաղթահարել են **3** աշխատակից և **35** դասախոս. Հումանիտար գիտությունների ֆակուլտետ - **18 դասախոս**, Տնտեսագիտության ֆակուլտետ- **7 դասախոս**, Բնական գիտությունների ֆակուլտետ- **9 դասախոս**, Կիրառական արվեստի ֆակուլտետ- **1 դասախոս**:

7. 2020թ. հուլիսի 2-15-ը կազմակերպվել է պրոֆեսորադասախոսական կազմի որակավորման բարձրացման ծրագրի «Ուսուցման նորարարական մեթոդներ» մոդուլում ներառված 12 ակադեմիական ժամ տևողությամբ «Ակտիվ ուսուցում և թվային տեխնոլոգիաները դասավանդման գործընթացում՝ մոբայլ ուսումնառություն և խաղայնացում» դասընթացը, որը վարել է ԵՊՀ Փիլիսոփայության և հոգեբանության ֆակուլտետի՝ Փիլիսոփայության պատմության, տեսության և տրամաբանության ամբիոնի դոցենտ Սիլվա Պետրոսյանը:

Դասընթացին մասնակցել են **33 դասախոսներ**. Հումանիտար գիտությունների ֆակուլտետ- **21 դասախոս**, Տնտեսագիտության

ֆակուլտետ- **5 դասախոս**, Բնական գիտությունների ֆակուլտետ- **5 դասախոս**, Կիրառական արվեստի ֆակուլտետ- **2 դասախոս**:

Դասընթացի ավարտին անցկացված ստուգարքը հանձնել են **13 դասախոս**, որից՝ Հումանիտար գիտությունների ֆակուլտետ- **6 դասախոս**, Տնտեսագիտության ֆակուլտետ- **4 դասախոս**, Բնական գիտությունների ֆակուլտետ- **2 դասախոս**, Կիրառական արվեստի ֆակուլտետ- **1 դասախոս**:

Արտահայտվեցին – ԵՊՀ ԻՄ տնօրենի պաշտոնակատար **Ա.Մակարյանը**, Մանկավարժության և հոգեբանության ամբիոնի վարիչի ժամանակավոր պաշտոնակատար **Լ. Հարություն**, **Լ. Բեգինյանը** և այլք:

Մասնավորապես Լ. Հարությունյանը շեշտեց, որ կարելի էր կազմակերպել առավել հետաքրքիր դասընթացներ ավելի շատ դասախոսների ընդգրկելու համար, Լ. Բեգինյանը շնորհակալություն հայտնեց բաժնին կատարած աշխատանքների համար, իսկ Ա.Մակարյանը նշեց, որ նախատեսվում է իրականացնել նաև վարչական աշխատողների վերապատրաստումներ:

Որոշեցին

Որոշում

➤ Ընդունել ի գիտություն:

Ընթացիկ հարցեր:

Լսեցին՝ ԵՊՀ ԻՄ-ում հայտարարված ներմասնաճյուղային դրամաշնորհային մրցույթի ընթացքի մասին լսեցին ԵՊՀ ԻՄ Տավուշ հետազոտական կենտրոնի ղեկավար **Հ.Բ. Մովսեսյանի** հաղորդումը:

2021 թ. մարտի 10-ին տեղի ունեցել հայտերի բացման նիստը, որի առաջին՝ բաց մասում հանձնաժողովին ներկայացվեցին մրցույթի հայտերը, և

հանձնաժողովը որոշում կայացրեց յուրաքանչյուր հայտի ընդունման կամ մերժման վերաբերյալ: Հանձնաժողովի որոշմամբ՝ ընդունվեցին բոլոր վեց հայտերը: Նիստի երկրորդ՝ փակ մասում հանձնաժողովը յուրաքանչյուր հայտի համար հաստատեց երկու փորձագետի: Այնուհետև հայտերը՝ գնահատման թերթիկների հետ միասին, ուղարկվեցին փորձագետներին: Հաստատված փորձագետները Երևանի պետական համալսարանից Էին, Ագրարային համալսարանից, Եվրոպական համալսարանից, ՀՊՏՀ «Ամբերդ» հետազոտական կենտրոնից, «Հիդրոթերմութաբանության և մոնիթորինգի կենտրոն» ՊՈԱԿ-ից:

Մարտի 30-ին տեղի ունեցավ մրցութային հանձնաժողովի ամփոփիչ նիստը, որի ընթացքում ամփոփվել են մրցույթի արդյունքները և որոշվել՝ որ հայտին կարող է տրամադրվել դրամաշնորհ և որին՝ ոչ: Առավելագույն միավորներ հավաքած հայտերից երկուսում՝ **«Լուսահովիտ համայնքի գյուղական զբոսաշրջության զարգացման նախագծի մշակում»**, **«Գյուղական զբոսաշրջության զարգացումը որպես Տավուշի մարզի սահմանամերձ բնակավայրերի սոցիալ-տնտեսական զարգացման գործոն»**, նախագծի կատարողներ են հանդիսանում միևնույն անձինք, և նպատակահարմար չէ միաժամանակ ֆինանսավորել տվյալ երկու հայտերը, քանի որ այդ դեպքում մյուս՝ առավելագույն միավորներ հավաքած հայտերը, որոնցում կատարողները տարբեր անձինք են, և թեմաները վերաբերում են այլ ոլորտների, դուրս են մնում մրցույթից՝ ելնելով բյուջեով նախատեսված ֆինանսավորման ծավալներից: Այս առումով, արտահայտվողները նշեցին, որ դրամաշնորհ կարող է տրամադրվել տվյալ երկու հայտերից ամենաբարձր միավորներ հավաքածին, այն է՝ **«Լուսահովիտ համայնքի գյուղական զբոսաշրջության զարգացման նախագծի մշակում»**: Նրանք նշեցին նաև, որ դրամաշնորհ կարող է տրամադրվել **«Սեփականության իրավունքի հատկորոշվածության խնդիրները կորպորատիվ կառավարման համակարգում (Տավուշի մարզի կազմակերպությունների օրինակով)»** և **«Տավուշի մարզում**

պարարտանյութերի օգտագործման հիմնախնդիրները, այդ թվում քիմիական պարարտանյութերի վաճառակետերի անհամաչափ տեղաբաշխումը և դրանց կարգավորման ուղիները» վերնագրով նախագծերին՝ այսպիսի որոշումը թույլ կտա ընդլայնել ոլորտային շրջանակը՝ միաժամանակ նախագծի աշխատանքներում ներգրավելով առավել մեծ թվով կատարողերի:

Այսպիսով հանձնաժողովը առաջարկում է.

«Նոր մշակաբույսերի ներդրման ուղղությունները Տավուշի մարզում» վերնագրով հայտին տրամադրվի 400.000 դրամի չափով դրամաշնորհ: «Լուսահովիտ համայնքի գյուղական զբոսաշրջության զարգացման նախագծի մշակում», «Սեփականության իրավունքի հատկորոշվածության խնդիրները կորպորատիվ կառավարման համակարգում (Տավուշի մարզի կազմակերպությունների օրինակով)», «Տավուշի մարզում պարարտանյութերի օգտագործման հիմնախնդիրները, այդ թվում քիմիական պարարտանյութերի վաճառակետերի անհամաչափ տեղաբաշխումը և դրանց կարգավորման ուղիները» վերնագրով հայտերից յուրաքանչյուրին՝ 500.000 դրամի չափով:

Նրանք նշեցին, որ սա հնարավորություն կտա ֆինանսավորել առավել մեծ թվով հայտերի:

Արտահայտվեցին – ԵՊՀ ԻՄ տնօրենի պաշտոնակատար **Ա.Մակարյանը**, Տուրիզմի կառավարման և մշակութաբանության ամբիոնի վարիչի ժամանակավոր պաշտոնակատար **Գ. Հովհաննիսյանը**, Ընդհանուր տնտեսագիտության ամբիոնի վարիչ **Մ. Միքայելյանը**, Ընդհանուր մաթեմատիկայի և բնագիտության ամբիոնի վարիչի ժամանակավոր պաշտոնակատար **Գ. Սիմոնյանը** և այլոք: Արտահայտվողները առաջարկեցին հաստատել հանձնաժողովի որոշումը և հաստատել ներկայացված նախագծերը համապատասխան դրամային չափերով և կնքել պայամնագրեր ղեկավարների հետ:

Բաց քվեարկությամբ, միաձայն՝ 26 կողմ, 0 դեմ, 0 ձեռնպահ, **որոշեցին**

Որոշում 51/3

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 6-րդ, 12-րդ և 16-րդ ենթակետերով, Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 6-րդ, 12-րդ և 16-րդ ենթակետերով, ինչպես նաև Երևանի պետական համալսարանի Իջևանի մասնաճյուղում գիտական դրամաշնորհների տրամադրման կարգի /հաստատված 2020թ. դեկտեմբերի 25-ի նիստի թիվ 48/5 որոշմամբ/ 2.2, 5.15 կետերով Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Երաշխավորել ֆինանսավորման ներկայացված թեմաները համաձայն հավելված 4-ի:
2. Որոշումն ուժի մեջ է մտնում հրամանագրման պահից:

ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Ա. Հ. ՄԱԿԱՐՅԱՆ

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ _____ Ս. Ս. ԱԹՈՅԱՆ